



დმანისის მუნიციპალიტეტის საკრებულო



ქ.დმანისი

გ ა ნ კ ა რ გ უ ლ ე ბ ა

N 11 08
29/03/2018

**საკრებულოს წევრების გადაწყვეტილების დმანისის მუნიციპალიტეტის საკრებულოში
ფრაქცია „ქართული ოცნება- მწვანეების“ შექმნის და მის თავმჯდომარედ თორნიკე
ნინიაშვილის არჩევის ცნობად მიღების შესახებ**

საქართველოს ორგანული კანონის „ადგილობრივი თვითმმართველობის კოდექსი“ 61-ე მუხლის მე-2-ე პუნქტის, 30-ე მუხლისა და „დმანისის მუნიციპალიტეტის საკრებულოს დებულების (რეგლამენტის) დამტკიცების შესახებ“ დმანისის მუნიციპალიტეტის საკრებულოს 2014 წლის 14 ივლისის №42 დადგენილების 35-ე მუხლის თანახმად, დმანისის მუნიციპალიტეტის საკრებულომ **გადაწყვიტა:**

1. ცნობად იქნეს მიღებული საკრებულოს წევრების გადაწყვეტილება, 2018 წლის 29 მარტს, (საკრებულოს ბიუროს სხდომის ოქმი №4) დმანისის მუნიციპალიტეტის საკრებულოში ფრაქცია „ქართული ოცნება-მწვანეების“ შექმნის და მის თავმჯდომარედ თორნიკე ნინიაშვილის არჩევის შესახებ.
2. განკარგულება ძალაშია ხელმოწერისთანავე.
3. განკარგულება შეიძლება გასაჩივრდეს გაცნობიდან ერთი თვის ვადაში ბოლნისის რაიონულ სასამართლოში (ქ. ბოლნისი სულხან საბას ქ. N113).

მერაბ ოქრიაშვილი

საკრებულოს თავმჯდომარე

დმანისის მუნიციპალიტეტის საკრებულოს
სამანდატო,საპროცედურო საკითხთა და ეთიკის კომისიის
თავმჯდომერეს კახა პეტრიაშვილს
ფრაქცია „ქართული ოცნება-მწვანეების“ წევრების
თორნიკე წინიაშვილის, ვალერი სამადაშვილის და აფთანდილ მუსაევის

განცხადება

გთხოვთ, გაატაროთ რეგისტრაციაში დმანისის მუნიციპალიტეტის ფრაქცია „ქართული ოცნება-მწვანეები“. თავმჯდომარე-თორნიკე წინიაშვილი, თავმჯდომარის მოადგილე-ვალერი სამადაშვილი, მდივანი აფთანდილ მუსაევი.


განცხადებას თან ერთვის ფრაქციის დაფუძნების შესახებ ოქმი . წესდება და პლატფორმა.

განმცხადებლები:

თორნიკე წინიაშვილი

ვალერი სამადაშვილი

აფთანდილ მუსაევი



22. 03. 2018 წელი.

დმანისის მუნიციპალიტეტის საკრებულოს ფრაქცია

„ქართული ოცნება-მწვანეების“

სხდომის ოქმი N1

21.03 2017 წელი

ქ.დმანისი

დღის წესრიგი:

1.დმანისის მუნიციპალიტეტის საკრებულოში ფრაქცია „ქართული ოცნება-მწვანეების“ შექმნა, პოლიტიკური პლატფორმისა და წესდების დამტკიცება.

2. ფრაქციის ხელმძღვანელი პირების არჩევა.

სხდომას ესწრებოდნენ: 1. თორნიკე ნინიაშვილი 2.ვალერი სამადაშვილი, 3. აფთანდილ მუსაევი

სხდომის თავმჯდომარე: თორნიკე ნინიაშვილი

სხდომის მდივანი: აფთანდილ მუსაევი

დღის წესრიგი დამტკიცდა 3 ხმით არცერთის წინააღმდეგ.

1. სხდომის თავმჯდომარემ , თორნიკე ნინიაშვილმა წარმოადგინა ფრაქციის წესდება და პოლიტიკური პლატფორმა . აზრი გამოთქვეს ვალერი სამადაშვილმა და აფთანდილ მუსაევმა რის შემდეგაც კენჭი ეყარა ფრაქციის წესდებისა და პოლიტიკური პლატფორმის დამტკიცებას. ფრაქციის წესდება და პოლიტიკური პლატფორმა დამტკიცდა 3 ხმით არცერთის წინააღმდეგ.

2. ფრაქციის თავმჯდომარედ ვალერი სამადაშვილმა დაასახელა თორნიკე ნინიაშვილის კანდიდატურა . კენჭისყრის შედეგად ფრაქციის თავმჯდომარედ 3 ხმით არცერთის წინააღმდეგ. არჩეულ იქნა თორნიკე ნინიაშვილი.

ფრაქციის თავმჯდომარის მოადგილედ თორნიკე ნინიაშვილმა და აფთანდილ მუსაევმა დაასახელეს ვალერი სამადაშვილის კანდიდატურა. კენჭისყრის შედეგად ფრაქციის თავმჯდომარის მოადგილედ 3 ხმით არცერთის წინააღმდეგ. არჩეულ იქნა ვალერი სამადაშვილი.

ფრაქციის მდივნად ვალერი სამადაშვილმა დაასახელა აფთანდილ მუსაევის კანდიდატურა. კენჭისყრის შედეგად ფრაქციის მდივნად არჩეულ იქნა აფთანდილ მუსაევი სამი ხმით არცერთის წინააღმდეგ.

ფრაქციამ გადაწყვიტა, რომ ფრაქციის სარეგისტრაციოდ საჭირო დოკუმენტაცია წარედგინოს დმანისის მუნიციპალიტეტის საკრებულოს სამანდატო საპროცედურო საკითხთა და ეთიკის კომისიას.

სხდომის თავმჯდომარე:



თორნიკე ნინიაშვილი

სხდომის მდივანი:



აფთანდილ მუსაევი

დმანისის მუნიციპალიტეტის საკრებულოს ფრაქცია „ქართული ოცნება - მწვანეები“
პოლიტიკური პლატფორმა

2203.2018 წელი

ქ.დმანისი

დმანისის მუნიციპალიტეტის საკრებულოს ფრაქცია „ქართული ოცნება-მწვანეები“ არის დემოკრატიული იდეოლოგიის მატარებელი დეპუტატების გაერთიანება.

ფრაქცია „ქართული ოცნება -მწვანეები“ საკრებულოს საქმიანობის ფარგლებში ითანამშრომლებს ყველა იმ პოლიტიკურ ძალასთან, რომელიც მხარს უჭერს ფრაქციის სამოქმედო სტრატეგიასა და პრიორიტეტებს.

1. ერთიანი და დემოკრატიული ქართული სახელმწიფოს ჩამოყალიბება.
2. სახელმწიფოებრივი პატრიოტიზმის, ეროვნული მსოფლმხედველობისა და იდეალების დამკვიდრება, ეთნიკური, კონფესიური, კულტურული და ტრადიციული თვითმყოფადობის შენარჩუნება.
3. ტერიტორიული მთლიანობის აღდგენა, ინტეგრაცია ევროპულ სტრუქტურებსა და ნატოში.
4. სახელმწიფო აღმშენებლობაში აქტიური მონაწილეობა, მშვიდობიანი და სამართლებრივი პოლიტიკური საშუალებებით.
5. ადამიანის ძირითად უფლებათა და თავისუფლებათა დაცვა.
6. სიტყვისა და გამოხატვის თავისუფლების დაცვა.
7. სიღარიბის დამლევა .
8. განათლებისა და ჯანდაცვის ხელმისაწვდომობის უზრუნველყოფა.
9. სამუშაო ადგილების შექმნა;
10. ძლიერი თვითმმართველობის ჩამოყალიბება.
11. გარემოს და მუნიციპალიტეტის ეკოლოგიური მდგომარეობის დაცვა .

დმანისის მუნიციპალიტეტის საკრებულოს ფრაქცია „ქართული ოცნება - მწვანეები“-ს წესდება

თავი 1

ზოგადი დებულებანი

მუხლი 1.

- 1.1. დმანისის მუნიციპალიტეტის საკრებულოს ფრაქცია „ქართული ოცნება - მწვანეები“, არის დმანისის მუნიციპალიტეტის საკრებულოს წევრთა ნებაყოფლობითი გაერთიანება, საერთო პოლიტიკური მიზნების მისაღწევად.
- 1.2. ფრაქციის შექმნისა და საქმიანობის საფუძველია საქართველოს კონსტიტუცია, დმანისის მუნიციპალიტეტის საკრებულოს რეგლამენტი და სხვა ნორმატიული აქტები.

თავი 2

ფრაქციის მიზნები და ამოცანები

მუხლი 2.

2.1. ფრაქციის ზირითადი მიზნები და ამოცანებია:

- ა) დმანისის მუნიციპალიტეტში ადგილობრივი თვითმმართველობის საკითხებთან დაკავშირებით საკუთარი პოლიტიკური კურსის გამოხატვა და გატარება;
- ბ) დმანისის მუნიციპალიტეტის საკრებულოს საქმიანობაში მონაწილეობა;
- გ) დმანისის მუნიციპალიტეტის საკრებულოს კანონშემოქმედებითი საქმიანობის განხორციელებისას ფრაქციის შეჯერებული აზრის გამოხატვა;
- დ) ფრაქციის პოლიტიკური პლატფორმის განხორციელება.

თავი 3

ფრაქციის სტრუქტურა და საქმიანობის წესი

მუხლი 3.

- 3.1. ფრაქციის უმაღლესი ორგანოა ფრაქციის სხდომა.
- 3.2. ფრაქციის სხდომა ღიაა. ფრაქციის სხდომა ფრაქციის წევრთა მოთხოვნით შეიძლება გამოცხადდეს დახურულად.
- 3.3. გადაწყვეტილებები ფრაქციის სხდომაზე მიიღება დამსწრეთა უბრალო უმრავლესობით.
- 3.4. ფრაქციის სხდომა იმართება საჭიროებისამებრ. საჭიროებისამებრ ფრაქციის სხდომა შეიძლება მოწვეულ იქნას ფრაქციის თავჯდომარის ინიციატივით ან ფრაქციის წევრთა მოთხოვნით.

3.5. ფრაქციის სხდომა უფლებამოსილია თუ მას ესწრება ფრაქციის წევრთა უმრავლესობა.

მუხლი 4.

4.1. ფრაქციის წევრი შეიძლება გახდეს დმანისის მუნიციპალიტეტის საკრებულოს ნებისმიერი წევრი, რომელიც იზიარებს ფრაქციის პოლიტიკურ პლატფორმას და ფრაქციის წესდებას.

4.2. ფრაქციაში გაწევრიანების მსურველი საკრებულოს წევრი, წერილობითი განცხადებით მიმართავს ფრაქციის თავმჯდომარეს.

4.3. ფრაქცია საკრებულოს წევრის განცხადებას განიხილავს ფრაქციის უახლოეს სხდომაზე და იღებს შესაბამის გადაწყვეტილებას.

4.4. ფრაქციაში ახალი წევრის მიღების შესახებ ფრაქციის თავმჯდომარე 3 დღის ვადაში წერილობით აცნობებს დმანისის მუნიციპალიტეტის საკრებულოს სამანდატო, საპროცედურო საკითხთა და ეთიკის კომისიას და საკრებულოს აპარატს.

4.5. ფრაქცია ფრაქციის წევრის განცხადებას ფრაქციის დატოვების შესახებ იღებს ცნობად.

მუხლი 5.

5.1. ფრაქციის წევრს უფლება აქვს:

ა) აირჩიოს და არჩეულ იქნას ფრაქციის ნებისმიერ ხელმძღვანელ თანამდებობაზე ან დაასახელოს შესაბამისი კანდიდატურა;

ბ) მიმართოს ფრაქციას ნებისმიერი წინადადებით ან ინიციატივით, რომელიც შეეხება საკრებულოს განსახილველ საკითხს და მოითხოვოს ფრაქციის მხარდაჭერა;

გ) მიიღოს ფრაქციის აპარატში არსებული ნებისმიერი ინფორმაცია თვითმმართველობის საქმიანობისა და მიღებული გადაწყვეტილებების შესახებ;

დ) მონაწილეობა მიიღოს ფრაქციის ეგიდით ჩატარებულ ღონისძიებებში.

5.2. ფრაქციის წევრი ვალდებულია:

ა) დაიცვას ფრაქციის წესდება;

ბ) მონაწილეობა მიიღოს ფრაქციის საქმიანობაში;

გ) აქტიურად ჩაერთოს ფრაქციის პოლიტიკური პლატფორმის განხორციელებაში;

დ) თავისი ქმედებით არ დაუშვას ფრაქციის დისკრედიტაცია.

5.3. ფრაქციიდან გასვლა:

ა) ფრაქციის წევრი განცხადებით მიმართავს ფრაქციის თავმჯდომარეს ფრაქციიდან გასვლის შესახებ.

თავი 4

ფრაქციის ხელმძღვანელი პირები და მათი უფლებამოსილებები

მუხლი 6.

- 6.1. ფრაქციის ხელმძღვანელი პირები არიან - ფრაქციის თავმჯდომარე, მოადგილე და მდივანი.
- 6.2. ფრაქცია თავისი შემადგენლობიდან ირჩევს თავმჯდომარეს, მოადგილეს და მდივანს.

მუხლი 7.

7.1. ფრაქციის თავმჯდომარე:

- ა) ხელმძღვანელობს ფრაქციის საქმიანობას;
- ბ) წარმოადგენს ფრაქციას საკრებულოში და მის გარეთ;
- გ) თანამდებობრივად შედის საკრებულოს ბიუროს შემადგენლობაში;
- დ) წარმართავს ფრაქციის სხდომებს;
- ე) ახორციელებს სხვა უფლებამოსილებებს.

7.2. ფრაქციის თავმჯდომარის მოადგილე თავმჯდომარის დავალებით ხელმძღვანელობს ფრაქციის საქმიანობის ცალკეულ მიმართულებებს და საჭიროებისამებრ ასრულებს ფრაქციის თავმჯდომარის მოვალეობას.

7.3. ფრაქციის მდივანი ასრულებს ფრაქციის თავმჯდომარის დავალებებს, ხელმძღვანელობს ფრაქციის შიდაორგანიზაციულ საქმიანობას. ახორციელებს მისთვის მინიჭებულ სხვა უფლებამოსილებებს.

თავი 5

ფრაქციის წესდების გადასინჯვა

მუხლი 8.

9.1. ფრაქცია უფლებამოსლია ნებისმიერ დროს გადასინჯოს ფრაქციის წესდება და პოლიტიკური პლატფორმა.